

bostreĉa. ~turniĝo. Malsaneca sento pri nefirmeco en la spaco, k pri manko de ekvilibro, pro kiu ŝajnas turniĝi la objektoj ĉirkaŭ la malsanulo : havi Z, ricevi Z, senti ~lurnon Z.

* **Kapabla.** Povanta fari ion ; havanta la ecojn aŭ plenumanta la kondiĉojn necesajn por fari ion : ~a al ĉio B, por iu lasko, al heroco, je krino ; ~a depostuli monon per skandalminaco ; ~a direktoro ; ~ulo ; ne~a (Vd SPIKO). ~ (ec) o. Ecoj, kondiĉoj necesaj por fari ion ; Dio donis oficon, Dio donos ~on Z ; mi memeros vin, ĝis mia kapo perdos la ~on de ĉia memorado Z ; havi ~on por desegnado Z ; antaŭ~o por la kantaro Z. ~1 (tr). Esti ~a je io.

kapacito. 1 (Sc) □ Gasa, likva aŭ solida inateriokvanto, kiun povas enteni ujo : ~o de uzo. 2 < Elektrokvanto. ~o de kondukilo. La konstanta rilato, kiu ekzistas inter la ŝarĝo de la kondukilo (elektrokvanto) k la elektra potencio al kiu ĝi estas aligata. Vd FARADO.

* **Kapelo.** 1 (K) Malgranda preĝejo, kiu estas nek paroĥa, nek prioreja : tiu supre sur la monto, la silenta ~elo Z. 2 Parto de preĝejo, enhavanta altaron. 3 Ĉambro, en privata domo, destinita por Diservo : ~ano (pastro dungita por diservi en tia ĉambro). 4 Aro de la muzikistoj, ludantaj aŭ kantantaj en ~o ; preĝeja ĥoro : ~estro = ĥorestro.

kaperi Z (tr). Korsare kapti malamikan ŝipon. ~isto. Korsaro 2.

kapilaro (Sc). Harforma angio, organo, kies interna diametro estas treege malgranda. ~a. Rilata al ~o : ~a aktiveco, analizo, ĥemio. 2 Havanta formon de ~o : ~aj tuboj. ~eco □. Propreco de ~aj tuboj rilate al likvaĵoj, kiuj ilin trafluas : la suprenfluo de la suko en la plantoj estas fenomeno de ~eco.

Kapitalo. 1 Parto de la riĉaĵoj uzata por produktado ; profiton donanta proprumaĵo ; tuto de la provizaĵoj k iloj, t. e. laborrimedoj : (f) *enmeti en siajn verkojn grandan ~on da tempo, laboro, povoscado k ekzercileco* Z. 2 Sumo de posedata mono, konsiderata kiel ĉefaĵo, kontraste kun la rento, konsiderata kiel akcesoraĵo. 3 (Mh) Valoraro (produktiloj, laborforto k mono), kiun propr(a)ulo ne uzas por

sia persona laboro k kiu kreas plusvaloron, dank' al la fakto, ke ĝi estas monopolo de la ekspluatanta klaso : dum sia rondira cirkulado la ~o senĉese formiĝas : mono, varo, mono ktp. **Konstanta** ~o (Mh). Produktiloj, krudaĵoj, helpmaterialo. **Variebla** ~o (Mh). Konsumiloj de la salajrularo (valoro de la laborforto). **Socia** ~o (Mh). Sumo de ĉiuj ~oj funkciaj en la homa socio. **Individua** ~o (Mh). ~o funkcia en entrepreno k apartenanta ĉu al unu ~isto ĉu al ~ista societo. **Fiktiva** ~o (Mh). Monsumo ne funkcia en la produktado aŭ cirkulada procezo, sed donanta interezon : ŝtataj obligacioj. **Financa** ~o (Mh). 1 ~o subiganta la industrian k komercan ~on (Hilferding). 2 Interpenetrado de banka k industri-komerca ~oj ĝis tiom forta grado, ke ĝi kondukas al koncentrigo de produktado k sekve al monopoloj (Lenin). Krome ekzistas ankoraŭ i. a. : **Industria, komerca** ~o (Mh). Donanta profiton. **Mona, prunt(edona)** ~o (Mh). Donanta interezon. ~isto. 1 Homo posedanta ~on. 2 (Mh) Homo, kiu utiligas sian ~on por havigi al si renton, laborigante proletojn (Kp PLUTOKRATO).

* **Kapitano.** 1 Ŝipestro. 2 Rotestro.

* **Kapitelo.** Ornama skulptaĵo, kiu elstaras ĉe la supera parto de kolono : dorika, jonika, korinta ~o.

kapitoilo Z. Antikva citadelo de Romo.

* **Kapitulaci** (ntr). 1 Venkite transdoni sin k sian armeon aŭ fortikaĵojn al la malamiko, je preeizaj kondiĉoj fiksitaj kune kun li : la sieĝiloj ~is post kvar monatoj. 2 (f) Rezigni, forlasi entreprenon : Don Juan post kvardeko certe devus ~i pli ol unu fojon B.

kapoko. Speco de kotono kun mallongaj fibroj, produktata de hinda arbo el fam. bombacoj (*criodendron anfractuosum*), k uzata por kusenoj, matracoj, ktp.

kapolo. Multekosta konveksforma ŝtono, polurita sed ne facetita.

* **Kapono.** 1 Kastrita koko, kiun oni grasigas por ĝin mangi. 2 (f) Kastrito : ~voĉo.

* **Kaporo.** 1 Arbeto el fam. kaporacoj, kies burĝonojn oni konservas en vinagro k uzas kiel spicaĵon (*capparis spinosa*). 2 ~a burĝono.